

ՇԻՐԱԿԻ ՇԹԱՔԱՐԱՅԻՆ ԾԱԾԿԵՐԸ\*

Շթաքարերը ճարտարապետության մեջ հիմնականում ծածկերի զարդարման հնարք են: Կազմված են երկրաչափորեն կանոնավորապես հերթագայվող եռաչափ նիստավոր ելուստներից ու փոստրակներից, որոնք առաջացնում են լուսաստվերային խաղ՝ հիշեցնելով բնական շթաքարերի ծալքերն ու լեզվակները (Նկ. 1.): Շթաքար անունը տրված է հետևաբար՝ որպես փոխաբերություն (ֆր. stalactites, ռուս. сталактиты): Հունարեններն են անգլ. honeycombs «մեղրաբջիջներ», ռուս. ячеистый/сотовый свод «բջջային կամար», արաբ. maqarnas «ծեփազարդ»:


ճարտարապետական զարդարական այս հնարքը քրիստոնյա աշխարհում կիրառել են հայերը, մահմեդական աշխարհում՝ սելջուկները, պարսիկները, արաբները:

Թերևս մահմեդական ճարտարապետության մեջ հայկականի համեմատ կիրառության ավելի մեծ ծավալն ու աշխարհագրական ընդգրկումն են պատճառը, որ մասնագիտական գրականության մեջ շթաքարերը համարվում են մահմեդական ճարտարապետությանը բնորոշ երևույթ: Ինչ վերաբերում է ծագումնաբանությանը, ապա այս հնարքի ակունքները առավելապես փնտրվում են իրանական մշակույթում, կամ հաշվի առնելով, որ շթաքարերի՝ մեզ հասած նմուշների հնագույն օրինակները մասամբ համընկնում են Փոքր Ասիայի պատմության սելջուկյան շրջանին՝ նաև սելջուկյան մշակույթում: Նման մոտեցումները մակերեսային են:

Շթաքարերի տարածման քարտեզն, ըստ բնակավայրերի, ունի այս տեսքը: (Նկ.2.)



Նկ. 1. Հադիճավանքի գավիթի ծածկը



Նկ. 2. Շթաքարերի տարածվածությունը  
Մերձավոր Արևելքում

Ինչպես տեսնում ենք, ամենամեծ խտությունը Հայաստանում է, որը նաև կենտրոնական դիրք ունի շթաքարերի կիրառման տարածքում:

Այս փաստը բացահայտում է Հայաստանի առանցքային դերը շթաքարերի գոյացման ընթացքում:

\* Հոդվածն իբրև զեկուցում ներկայացվել է Գյումրիում 2013թ. հոկտեմբերի 4-6-ը կայացած «Պատմամշակութային ժառանգություն և արդիականություն» միջազգային գիտաժողովում:



3. Շրջաքարերի տարածվածությունը ՀՀ-ում և հարակից շրջաններում

Եթե վերցնենք միայն Հայաստանը, ապա ամենամեծ խտությունը տեսնում ենք Կոտայքում և Վայոց ձորում: (Նկ. 3.)

Շիրակում խտությունը թեև փոքր-ինչ պակաս է, սակայն Շիրակը, ինչպես կտեսնենք, առանցքային դեր ունի այս հնարքի կայացման, զարգացման և տարածման գործում:


Շիրակում շրջաքարեր պարունակող միջնադարյան կառույցներն են Հանդավանքը, Հոռոմոսի վանքը, Բազմայրի վանքը, Անիի Առաքելոց եկեղեցին, Մանուչեի մզկիթը, Պախլավուկյաց իշխանական տունը (Պարոնի պալատը), Տիգրան Հոնեցի եկեղեցին և այլն:

Ըստ Հովսեփ Օրբելու՝ շրջաքարային ծածկի ամենահին, բայց և արդեն լիարժեք կայացած նմուշը Անիի Առաքելոց եկեղեցու գավիթի ծածկն է<sup>1</sup> (Նկ. 4.): Նա այդ կառույցը թվագրում է ԺԱ դարի երկրորդ կես: Դրան ժամանակագրորեն հաջորդում է Մանուչեի մզկիթը, որտեղ շրջաքարային ամբողջական ծածկ չկա, սակայն կան շրջաքարային զարդով տրոմպային անցումներ և շրջաքարի այլ կիրառություններ (Նկ. 5.): Այդ շինությունը թեև պատվիրել է մանուկդական սելջուկ իշխան Մանուչեն, սակայն ակնհայտ է, որ կառուցել են հայ վարպետները, հավանական է՝ հենց նույն վարպետները, որոնք կառուցել են Առաքելոց եկեղեցու գավիթը: Դա է հուշում երկու կառույցների թե՛ զարդարական-ոճական, թե՛ կառուցողական-տեխնիկական ակնհայտ ընդհանրությունը:


Ն. Մառը սրա մասին գրել է. «Ումանը կառույցը մզկիթ են համարում. սակայն այն ժամանակ, երբ կառուցապատվում էր Անիի հին մասը, այդ քաղաքում մանուկդականներ չեն եղել. շենքի կողին Բարձրացող մինարները կցակառուցվել է

<sup>1</sup> Орбели И. Избранные труды. Т. 1, М., 1968, С. 49.

հետազայում. հնարավոր է միայն մեկ բան՝ հենց այն, որ Անիի մահմեդական կառավարիչները մզկիթի են վերափոխել հինանիյան շենքը»<sup>2</sup>:



Նկ. 4. Անիի Առաքելոց եկեղեցու գավիթի ծածկը



Նկ. 5. Մանուչեի մզկիթի ծածկը:

Հայտնի է, որ այդ շենքը կառուցել է Աշոտ Բագրատունի արքան 962 թվականին: Իսկ մասամբ վերակառուցել է Շեղդադյան ամիրա Մանուչեն 1070-ականներին<sup>3</sup>: Իսկ եթե դրան հավելենք, որ «մզկիթի» շինարվեստը չի տարբերվում հայկական ավանդական շինարվեստից, և շրաքարերն էլ այստեղ արդեն իսկ խիստ զարգացած, ճոխ, դասական տեսք ունեն, ապա պարզ կդառնա, որ «մզկիթի» շրաքարը մինչ այս արդեն իսկ զարգացման երկար ուղի պիտի անցած լինի:

Ն. Օրբելիս նկատում է, որ Անիի Առաքելոցի շրաքարային ծածկի ստեղծման համար անհրաժեշտ պիտի լիներ զարգացման ամսվազն 150-200 տարվա նախապատմություն: Պետք է ենթադրել, որ այդ պատմական անցումը կատարվել է հայկական ժողովրդական տներում (իշխանական տներ և այլն), որոնք չեն պահպանվել: Կարևորն այն է, որ Անիի Առաքելոցում աշխարհիկ շինություններին բնորոշ այդ ծածկը առաջին անգամ կիրառվեց որպես ծիսական կառույցի բաղադրիչ:

Շրաքարային ծածկի ծագումը ոմանք կապում են բջջային տրոմայի (կամ բջջային առագաստի) հետ (Օ. Շուազի<sup>4</sup> և այլն<sup>5</sup>) (Նկ. 6): Մակայն դժվար չէ համոզվել, որ թե՛ տրոմայը, թե՛ շրաքարային ծածկը առաջացել են հազարաշեն գմբեթի հորինվածքը քարով կամ աղյուսով վերարտադրելու և գեղարվեստորեն մշակելու արդյունքում (Նկ. 7.ա, բ):

Հայաստանում տրոմայային փոխանցումով գմբեթային համակարգը, ինչպես հայտնի է, գոյություն ունի դեռևս 5-րդ դարից (վաղագույն օրինակներ են Ողջաբերդի, Զովունիի Պողոս-Պետրոս եկեղեցիները)<sup>6</sup>: Կարծիքներ կան նաև, որ հայկական հովհարաձև տրոմայի ելակետը փայտե հազարաշեն գմբեթի կառուցվածքն է: Եվ իրոք, հազարաշենի անկյունային սալերը հատկապես քարով լուծվելիս արդեն իսկ ներկայանում են որպես պարզագույն տրոմա (Նկ. 8):

Ինչ վերաբերում է շրաքարային ծածկին, ապա փայտե (գերաններով, չորսուներով կամ ոստերով հավաքված) հազարաշեն ծածկն արդեն ինքնին թողնում է շրաքարի տպավորություն (Նկ. 9):


<sup>2</sup> Историко-археологический набросок Проф. Н. Марра. 1898 г.

<sup>3</sup> Օրբելի Հ., նշվ. աշխ., էջ 47-48:


<sup>4</sup> Шуази О. История архитектуры. Т. 2, М., 1931, С. 100.

<sup>5</sup> Օրբելի Հ., նշվ. աշխ., էջ 63: Яндекс.Словари Словарь изобразительного искусства, 2004-2009.

<sup>6</sup> Շախկյան Գ., Հայ – արաբական ճարտարապետական անընչակցություններ, «Լրաբեր հասարակական գիտությունների», թիվ 2, Եր., 2004, էջ 168-169:




Նկ.6. Բջջային տրումպ ըստ Օ. Շուազիի




Նկ.7. ա. Շթաքարային տրումպ. Հայրավանք



Նկ.7. բ. Փայտե հագարաշենի հատված. Հռոմոս



Նկ.8. Հռիփսիմեի տաճարի տրումպը




Նկ.9. Փայտե հագարաշեն. Բասեն:

Դա առավել ուժեղանում է հագարաշենի բաղադրիչ տարրերի անցումները զարդարական մշակման ենթարկելու շնորհիվ: Դրանում կարող ենք համոզվել քարե անգարդ և զարդարուն հագարաշեն ծածկերը համեմատելիս (օրինակ՝ Տավուշի Առաքելոց և Գանձասարի վանքերի գավիթների) (Նկ. 10): Քարե զարդարուն շթաքարային և փայտե հագարաշեն ծածկերի համեմատությունը բացահայտում է թե՛ կառուցվածքային տարրերի ուրվագծերի (գերաններ և դրանց քարե փոխարինիչներ) (Նկ. 13), թե՛ անցումային տարրերի (փայտե ձողեր և եռաթերթիկ կամ հնգաթերթիկ զարդեր) (Նկ. 7.ա. բ.) ծագումնաբանական ընդհանրությունը:


Շթաքարային ծածկի հայկական ծագման վարկածի հիմնավորման տարրերը կարելի է գտնել Ս. Վարդանյանի «Հագարաշենը և նրա նշանակությունը հայկական ճարտարապետության մեջ» հոդվածում<sup>7</sup>:

Այդտեղ հագարաշեն կառուցվածք են համարվում նաև Գեղարդավանքի, Հառիճավանքի, Գանձասարի վանքի և այլ գավիթների շթաքարային ծածկերը, որոնք քարե նյութով կրկնել են փայտե հագարաշենի հագարամյակների ավանդույթը:

<sup>7</sup> Վարդանյան Ս., Հագարաշենը և նրա նշանակությունը հայկական ճարտարապետության մեջ, «Լրաբեր հասարակական գիտությունների», թիվ 1, Եր., 1978, էջ 78-88:



Նկ.10.ա. Տավուշի Առաքելոց վանքի գավիթի ծածկը



Նկ.10.բ. Գանձասարի վանքի գավիթի ծածկը

Խնդիրն այն է, որ փայտե հազարաշենը հաճախ ոչ պակաս ճոխ է զարդարվել, քան քարե հազարաշենը, և Հայաստանում օգտագործվել է ոչ միայն ժողովրդական տներում (գլխատներում), իշխանական պալատներում, քարավանատներում, դամբարաններում, այլև եկեղեցիներում:<sup>8</sup>

Փայտե հազարաշենից շթաքարային ծածկի առաջացման վարկածի հիմնավորումը տվել է նաև Վ. Հարությունյանը: Նա համեմատական վերլուծությամբ ներկայացրել է միջնադարյան քաղաքացիական ճարտարապետության ժողովրդական ակունքները, ծածկաձևերի (ներառյալ՝ շթաքարայինի) ժառանգական կապը ժողովրդական գլխատան հազարաշեն (սողոմաքաշ) ծածկի հետ:<sup>9</sup>

Ա. Սահիկյանը շթաքարային երդիկավոր քարե զմբեթարդը (թաղը) իրավացիորեն համարում է հայկական ճարտարապետական-կառուցողական արվեստի մեծ նվաճում:<sup>10</sup>

Ս. Մնացականյանը նույնպես գտնում է, որ շթաքարային քարաշեն ծածկը հայկական ճարտարապետության միանգամայն ինքնուրույն նվաճումն է<sup>11</sup>: Նա նշում է, որ հայկական շթաքարե հորինվածքները սեղ են գտել սելջուկյան ճարտարապետության մեջ՝ կազմելով մեղրեսենների և մզկիթների շքամուտքերի ձևավորման հիմնական տարրերից մեկը<sup>12</sup>:

Այսպիսով, շթաքարային ամբողջական ծածկը փաստորեն ինքնին հազարաշեն է՝ կատարված քարով (հայկական ճարտարապետություն) կամ աղյուսով ու ծեփով (մուսուլմանական ճարտարապետություն): Ընդ որում՝ քարե շթաքարային ծածկը ածանցյալ է փայտե հազարաշենից (դրա զարդարական ընդօրինակումն է), իսկ ծեփածո շթաքարային զարդը (մութարնաս) իր հերթին ածանցյալ է քարե ծածկից (դրա մակերեսային ընդօրինակումն է) (Նկ. 11):

Փայտե հազարաշենում գերաններն ու դրանց միջև անցումները լցնող ձողերը կառուցվածքային գործառական արժեք ունեն: Քարե անզարդ շթաքարային ծածկում գերանների փոխարինող քարասալերը մասամբ պահպանում են այդ արժեքը: Իսկ քարե զարդարուն շթաքարային ծածկում գերանների և անցումային ձողերի ուրվագծերը արդեն զուրկ են կառուցվածքային գործառույթից և ունեն միայն զարդարական արժեք (Նկ. 13—15):


<sup>8</sup> Վարդանյան Ս., նշվ. աշխ., էջ 78-88:

<sup>9</sup> Հարությունյան Վ., Հայկական ճարտարապետության պատմություն, Եր., 1992, էջ 253-281:


<sup>10</sup> Սահիկյան Ա., Գառնի - Գեղարդ, Եր., 1968, էջ 19:

<sup>11</sup> Մնացականյան Ս., նույն տեղում:

<sup>12</sup> Նույնը:



Նկ.11. Մուսթի կիսաքանդ մուքարնա. Սամարղանդ



Նկ.12. Սամառայի «Իմամի դուռ» դամբարանը

Հայտնի է, որ հազարաշենը հայկական երեսույթ է: Դա հայկական ավանդական գլխատան երդիկավոր ծածկի հորինվածքն է: Գլխատան հնագույն նկարագրությունը գտնում ենք Քսենոփոնի «Անաբասիս»-ում (մ.թ.ա. Ե դար)<sup>13</sup>, իսկ բրածո հնագույն նմուշը հայտնաբերվել է Շիրակի տարածքում՝ Դրամխանակերտ հնավայրում, և վերաբերում է մ.թ.ա. Ե-Գ դարերին<sup>14</sup>:

Այս ամենը ցույց է տալիս, որ շրաքարային ծածկը ունի հայկական ծագում<sup>15</sup>: Իսկ հայկական ճարտարապետությունից մուսուլմանականին առաջին անցումը կատարվել է Շիրակում՝ Անիում:

Սակայն հազիվ թե Հայաստանում քարե շրաքարերով ճոխ նմուշներն առհասարակ շատ են եղել: Կար, ինչպես տեսանք, ավանդույթը, կային նախօրինակները, սակայն բացակայում էին տնտեսական ու քաղաքական պայմանները: Պատահական չէ, որ շրաքարային քարաշեն ծածկի առաջին օրինակը տեսնում ենք Անիում, այսինքն այնտեղ, որտեղ արդեն կային իրենց այդպիսի ճոխություն թույլ տալու հնարավորություն ունեցողներ: Մյուս կողմից՝ մշակութային վերածնունդը արդեն թույլ էր տալիս շատ ավելի ճոխ զարդարել ոչ միայն աշխարհիկ, այլև պաշտամունքային շինությունները: Պատահական չէ նաև, որ շրաքարային զարդը անմիջապես փոխառեցին մանիեղականները, որոնք ավելի քան ունեին դրա նյութական հնարավորությունը:

Այնուհետև շրաքարը մասնատվելով ու ձևափոխվելով ստացել է նաև այլ կիրառություններ (մուսթի գմբեթարդ, որմնախորշի ծածկ, անկյունազարդ, տրոմպ, խոյակ, խարիսխ, լուսամուտի շրջանակ, ներքին կամ արտաքին քիվ, բարավորի կամար և այլն)՝ վերածվելով զուտ զարդի:


Շրաքարը եթե հայկական ճարտարապետության մեջ երբեմն պահպանում է իր սկզբնական՝ կառուցողական նշանակությունը, ապա որպես զուտ զարդարանք է ընկալվում մուսուլմանական ճարտարապետության մեջ: Դա է վկայում նրա արաբերեն անվանումը՝ մուքարնա, որ նշանակում է «ձեփազարդ»:

<sup>13</sup> Քսենոփոն, Անաբասիս, Եր., 1970, էջ 97:


<sup>14</sup> Մանրամասն տե՛ս Կ. Գ. Մարտիրոսով, Փ. Սվեդենիա Կսենոփոնի տունը, հայտնաբերված Պալատիկա Դրասխանակերտ. Միջազգային գիտական կոնֆերանս «Արխեոլոգիա, էթնոլոգիա, ֆոլկլորիստիկա Կովկաս», Երևան, 25-27 հունիս, 2009 թվական. Մատենադարանի հրատարակչություն. Իրատիկա «Մերիդիան», Երևան, 2010, Ս. 268-270:

<sup>15</sup> Տե՛ս նաև G. Riviera. Moslem architecture, its origin and development. London, 1918, p. 179.


Դա վերաբերում է անգամ Ալիամբրայի գմբեթների (17-րդ դ.), թեև դրանք մուսուլմանական ճարտարապետության մեջ ամենից ավելի են հիշեցնում հազարաշեն ծածկը (Նկ. 16):




Նկ.13. Փայտե հազարաշեն (գծապատկեր)



Նկ.14. Տավուշի Առաքելոց վանքի գավիթի ծածկը



Նկ.15. Գանձասարի վանքի գավիթի ծածկը




Նկ.16. Ալիամբրա (շրաքարային ծածկի գծապատկեր)

Նկատենք նաև, որ Սամառայում Իմամի դուռ կոչվող դամբարանը, որ համարվում է մահմեդական աշխարհում շրաքարեր պարունակող ամենահին կառույցը, թվագրվում է ընդամենը 1085 թվականով (Նկ. 12): Ի դեպ, այս դամբարանի գմբեթադրը արտաքուստ շրաքարային շրջված ծածկի տեսք ունի և, կարելի է ասել, փայտե հազարաշեն ծածկի պատճենն է: Իսկ Սամառայում չկան գլխատներ և հազարաշեն այնպիսի ծածկեր, որոնց կառուցվածքն ունի ոչ թե զարդարական, այլ գործառական նշանակություն: Հետևաբար արևելյան մշակույթում շրաքարը փոխառություն է հայկական մշակույթից:


Այժմ համառոտ նկարագրենք Շիրակի շրաքարային ծածկերը և շրաքարի այլ կիրառությունները:

Ամբողջական ծածկեր: Այդպիսիք կան Հոռոմոսում (Նկ. 17-20), Բագնայրում (Նկ. 21-22), Հաթիճում (Նկ. 1): Ընդ որում, Հոռոմոսում, Բագնայրում եղել են մի քանիսը, որոնցից Հոռոմոսում լրիվ կամ մասամբ պահպանվել են 4-ը, Բագնայրում՝ մեկի մնացորդները: Հոռոմոսի այդ ծածկերից մեկը (Նկ. 19.ա. բ.), որ խաչվող

կամարների վրա է, ունի թվագրյալ շինարարական արձանագրություն՝ 1277 (ՉԻԶ), կառուցող վարպետն է Ֆրեր Կարնեցին:




Նկ.17. Հոռոմու. շրաքարային ծածկի մնացորդներ



Նկ.18. Հոռոմու. շրաքարային ծածկ




Նկ.19.ա. Հոռոմու. շրաքարային ծածկ



Նկ.19.բ. Հոռոմու. շրաքարային ծածկ խաչվող կամարների վրա



Նկ.20. Հոռոմու. շրաքարային ծածկի մնացորդներ



Նկ.21. Բազիայր. շրաքարային ծածկի մնացորդներ

Ծածկի տրոմպային անցումներ: Այդպիսիք կան Մանուչեի մզկիթում (Նկ. 5), Հոռոմուսում (Նկ. 23), Բազիայրում (Նկ. 24):



Նկ.22. Բազիայրի ժամատան մնացորդները



Նկ.23. Հոռոմու. շրաքարային զարդով տրոմպային անցում



Նկ.24. Բազիայր. շրաքարային զարդով տրոմպային անցումներ


Շրաքարի այլ կիրառություններ: Մուտքավերնի և խորշավերնի գմբեթադներ են առկա Անիի Առաքելոցում (Նկ. 25), մուտքի Բարավորի կամար՝ Հոռոմուսում (Նկ. 26), արտաքին քիվ՝ Մանուչեի մզկիթում (Նկ. 27), խոյակի անկյունազարդեր՝ Տիգրան Հոնենցի եկեղեցում (Նկ. 28), Անիի Առաքելոցում (Նկ. 29), ճակտոնի զարդեր՝ Պահլավունյաց իշխանական տանը (Նկ. 30)-ն այլն:



Նկ.25. Անիի Առաքելոց եկեղեցու գավիթի շքամուտքը



Նկ.26. Հռոմուսի 13-րդ դ. ժամատան շքամուտքը



Նկ.27. Մանուչեի մզկիթի մինարեթի քիվը



Նկ.28. Անի. Տիգրան Հռինեցի եկեղեցու գավիթի խոյակ



Նկ.29. Անիի Առաքելոց եկեղեցու գավիթի խոյակ



Նկ.30. Անի. հատված Պահլավունյաց իշխանական տան շքամուտքից

## СТАЛАКТИТОВЫЕ СВОДЫ ШИРАКА

Резюме

О. Закарян, Р. Акопян

В Шираке сталактитовые элементы имеют монастыри Арича, Оромоса и находящиеся в Ани церкви Аракелоз и Тиграна Оненца, мечеть Мануче, княжеский дом Пахлавуни (дворец Парона) и др.. Согласно Иосифу Орбели, древнейшим, но в то же время полностью сформировавшимся образцом сталактитового свода, является перекрытие гавита (паперти) церкви Аракелоз в Ани.

Известно, что азарашен — армянское явление. Это композиция традиционного армянского жилища глхатун с центральным фонарём. Древнейшее описание глхатуна находим в «Анабасисе» Ксенофона (5 в. до н. э.), а древнейший образец обнаружен в Ширакском регионе при раскопках Драсканакерта и относится к 5 — 3 вв. до н. э. Всё это показывает, что сталактитовый свод имеет армянское происхождение. А из армянской архитектуры в мусульманскую он перешёл опять-таки из Ширака и Ани.

Сталактитовый свод, расчленяясь и видоизменяясь, получил также и иные применения (покрытие ниши, угловое украшение, трюмп, капитель, база, обрамление окна, внутренний или внешний карниз, притолока и др.), превратившись в чистый декор.

Տեղեկություններ հեղինակների մասին

Չաքարյան Հովհաննես Լեոնի – բ.գ.թ., դոցենտ, Հայկական պետական մանկավարժական համալսարան, «Տաթև» գիտակրթական համալիր, E-mail: [hovzakaryan@yahoo.com](mailto:hovzakaryan@yahoo.com)  
Հակոբյան (Թարումեան) Ռուբեն Ռաչատուրի – ճարտարապետ, «Ջանգալ» հրատարակչություն, տառաստեղծ-ձևավորող, E-mail: [post@tarumian.am](mailto:post@tarumian.am)